

page :

M001

條目：

《賢劫經》

內容：

賢劫經（14） 八卷「西晉月氏三藏竺法護譯」

- 1、在維耶離說。序小近維摩。八十億菩薩來會，有文殊、觀音。
- 2、以『了諸法本三昧』為本，成就二千一百波羅蜜（治四病，各十倍，成八萬四千【六·四四下】），八萬四千三昧門，八萬四千總持門，疾成佛道。（一·二上）
- 3、『十六文字總持之門』（一·四下—五上）
- 4、九喻（一·一中）（一·九下）
四法行（四）（一·六下～七上）
- 5、毘陀和等八大正士（一·一中）
- 6、修二乘法，不以不具諸佛至願而取滅度。（一·一下）
- 7、念佛悔過，勸助施與，勸請轉法輪。（一·二中）
- 8、所在遊居，恒行乞食，棄於眾會，不樂俗居。（一·二下）
靜樹下，被三衣，常乞食。（一·四中）
捨國王出家，修是定。（一·七中）
讚閑居，舉須菩提為例。（一·九中）
學此三昧法不可居家。（八·六四上）
- 20、喜王菩薩為當機。禮佛偏袒右臂，是出家者。（一·九下）
- 9、得是三昧，見十方現在諸佛，聞法不忘。（一·五上）
受決，見一切佛聞法。（一·八下）
護末世法師。（一·九下）
- 10、菩薩法師，勿可毀謗。（一·五下～六上）
行如犀（一·六上）
法師……除眾僧擯。（一·七中）
法師為眾所擯，獨居山林，服食果實，時國王護衛說法。（一·一〇中）
諸天護法師。（八·六五上）
- 11、作佛形像坐蓮華上，畫，書寫經卷，誦經。（一·六下～七上）

12、偈中，應有脫文。(一·七上) 此是下法師品偈

13、大目如來→阿彌陀佛(一·七中)

得見阿彌陀(一·八上)

「值光明無量，復見無怒覺。」(一·九下)

阿彌陀佛→阿閼佛(一·一〇下)

無量光→賢劫千佛(八·六三下)

大目、彌陀、阿閼(八·六四)

1.「斯經至要，去來今佛之所由生，大目、阿彌陀、阿閼如來，賢劫千佛三世無限，皆由是定自致成佛。」(八·六四下)

出處：

1、在維耶離說。序小近維摩。八十億菩薩來會，有文殊、觀音。

※參見《賢劫經》卷1〈問三昧品1〉(CBETA, T14, no. 425, p. 1, b13-23)：

其名曰慈氏菩薩、**溥首菩薩**、光勢音菩薩、雨音菩薩、善德百千菩薩、華嚴菩薩、自大菩薩、明焰成菩薩、暢音菩薩、奉無數億劫行菩薩、覺意雷音王菩薩、見正邪菩薩、淨紫金菩薩、其心堅重菩薩、威光王菩薩、照四千里菩薩、越所見菩薩、辯積菩薩、慧王菩薩、不虛見菩薩、**毘陀和等八大正士**。又有眾香手菩薩、無量真寶菩薩、智積菩薩、大淨菩薩、師子吼菩薩、音王菩薩、淨珠嚴行菩薩、師子步暢音菩薩、無量辯無畏菩薩、如是等**菩薩八十億俱**。

2、以『了諸法本三昧』為本，成就二千一百波羅蜜(治四病，各十倍，成八萬四千【六·四四下】)，八萬四千三昧門，八萬四千總持門，疾成佛道。(一·二上)

※參見《賢劫經》卷1〈問三昧品1〉(CBETA, T14, no. 425, p. 2, a22-b5)：

佛告喜王菩薩：「善哉！善哉！所問甚深，愍念一切。有三昧名**了諸法本**，菩薩若行此**三昧定**，得是功勳輒逮此行，威神巍巍，具足**成就二千一百諸度無極事**，致**八萬四千諸三昧門**，**八萬四千諸總持門**，體解眾生遍入諸行，**疾速無上正真之道成最正覺**。」

佛言：「喜王！何謂了諸法本三昧？若有菩薩行六堅法，身口心慈言行相應，不違三乘不失要誓，知三乘行，如所造業開示人民，言亦如是。身清行淨口言柔和猶如甘露，心念解明猶如日光，常行愍哀恒懷慈心，無有害意不捨大悲，無戀一切不慕貪姪，身行清明志樂法宜，不失篤信尚至誠，不廢己願及一切。」

※參見《賢劫經》卷6〈八等品19〉(CBETA, T14, no. 425, p. 44, c13-p. 45, a1)：

爾時，世尊重散告語喜王菩薩：「是二千一百諸度無極，其餘復有九十諸度無極消世九惱，化九十六諸外邪學使人正真。」

佛告喜王菩薩：「**是二千一百諸度無極**，說法教化諸貪姪種；**二千一百諸度無極**，說法開化諸瞋恚種；**二千一百諸度無極**，說法開覺諸愚癡種；**二千一百諸度無極**，說法訓

誨化等分種。是合八千四百諸度無極，一變為十，合八萬四千諸度無極。佛則醫王法為眾生，一切三界無上良藥，療治三毒陰蓋得消，等分返逆無返復人，因見化導靡不解脫，不奉行斯八萬四千諸度無極，欲為百千種人除八萬四千眾垢塵勞，逮八萬四千諸三昧門，終不能成，由是修立八萬四千空行法義，以是化導百千種人，消除八萬四千眾垢塵勞，逮八萬四千諸三昧門，是謂佛道，深入無極致一切智。」

3、『十六文字總持之門』(一·四下—五上)

※參見《賢劫經》卷1〈行品2〉(CBETA, T14, no. 425, p. 4, c24-p. 5, a8)：

「有利無利若苦若樂，有名無名歎毀之事，以解是世所有八法悉無所著，救諸眾生慰以甘露，顯示滅度開悟一切，去其惱熱斷斯罣礙，未曾猗着迷惑六根，入**十六文字總持之門**識其所至，能頒宣斯便逮總持。」

「何謂**十六**？一曰無；二曰度；三曰行；四曰不；五曰持；六曰礙；七曰作；八曰堅；九曰勢；十曰生；十一曰攝；十二曰盡；十三曰蓋；十四曰已；十五曰住；十六曰燒；是十六事文字之教。若解行是十六文字之教，逮得無量總持門地，解一切法而得自在，擇求一切眾生慧意，消眾塵勞悉宣佛道，受大勢力暢達真法，度脫黎庶開化導利，其音和雅猶如哀鸞，逮得普住平等之地。」

4、九喻(一·一中)(一·九下)

※參見《賢劫經》卷1〈問三昧品1〉(CBETA, T14, no. 425, p. 1, a16-b13)：

諸會菩薩一切大聖，神智暢達逮得總持，已成三昧具足五通，目覩眾生一切心念，悉分別知所思道俗，不懷妄想，普布弘訓布施和意。自持戒、忍、精進、一心，智慧、善權靡不開化，逮不退轉。頒宣道法慈愍群生，不抱瞋害，不慕利養，所演經句不冀衣食，無所著故，逮深法忍無所從生，度諸所生，皆為一切無請之友；為師子吼十方啟受，濟諸終始使度彼岸。勇猛無畏越眾魔事，消諸陰蓋無罣礙業，了本清淨不疑諸法，積功累德不可稱載。深入玄妙無極道元，意和面悅先發問訊，言談庠序除去慍色，棄捐偽諂歌頌正真，無際心行逮致聖忍，辯才不斷遊無限會，強而有勢心如虛空，功勳普流行如金剛。無所不入，所至到處未曾有難，識無數劫周遊所歷，所說方便，一切諸法**猶如幻化、野馬影響、如夢所見、水中之月、芭蕉泡沫**。眾變無數，黎庶沒溺無所歸依，往反五處而救濟之。明達眾生所趣善惡，隨心所喜演真功勳，常懷愍傷無危害心，積無量德莊嚴佛土，無限弘誓成就無際諸佛境界。覺意常定未曾忘歸，歸歎十方現在諸佛，體解眾結塵積自大，志樂聖慧神通自娛。以善權業遊億百千江沙佛土，十方所講皆遙聞見，明智所修悉能履之，雨法甘露潤澤一切，道意無量一切普備。

※參見《賢劫經》卷1〈法師品4〉(CBETA, T14, no. 425, p. 9, c11-p. 10, a1)：

爾時，喜王菩薩三萬人俱，聞佛所說目為淚出，恭恪悚慄衣毛為豎，偏出右臂，從坐而起，叉手同音，白佛：「我等，世尊！將來末俗五濁惡世不輕法師。若有不敬欲壞普明一切智者，臨法欲盡少於學識明不能多，清白政法垂欲盡時，畏法無常，法欲亂時沒其身壽，護是如來一切智典，使永弘安獨處專學。一心如犀，當受將護如是像經。如來至道若干品藏，其有學智諸辯才印，曉了無量眾德之本，當勸化之法印印之。總

持種性降魔官屬，解一切智所行功勳，受持是典書著竹帛。若在地獄為一切眾，皆忍苦患不以為厭，用是三昧故，周旋三界五趣之難不以為倦。行四等心，慈悲喜護四恩惠施，仁愛利人，等利救濟十方愚冥之輩，皆發道意，地獄休息，餓鬼飽滿，畜生得脫生天人間。天人心開樂於道法，五趣心解信敬三寶不貪世榮，觀察三界**猶如幻化影響野馬芭蕉見夢水泡沫**，暢一切法悉知無真，皆發道意，欲度十方危厄之難。」

四法行（四）（一·六下～七上）

※參見《賢劫經》卷1〈四事品3〉(CBETA, T14, no. 425, p. 6, c6-p. 7, a8)：

「菩薩有四事，疾逮斯定。何謂四？一曰、布施，不懷望想福施一切；二曰、持戒，不犯諸禁以志大道；三曰、常抱慈心，怨憎親友無有二心；四曰、察於三界眾生之類，悉我親族未曾外之；是為四。

「菩薩復有四事，疾逮斯定。何謂為四？一曰、常行大慈加於眾生；二曰、常行大悲，見於三塗眾生苦惱，為之雨淚欲拔濟之；三曰、觀眾迷惑展轉五趣不能自免，顯示正路志德自出；四曰、察眾三流往反終始曾無斷絕身苦心惱，故愍念之，為宣罪福生死之本無為之根；是為四。

「菩薩復有四事，得斯定意。何謂為四？一曰、觀眾邪迷六十二見，猶豫沈吟墮於羅網如鳥自投，貪小小利不覺自害；二曰、九十六種迷惑之徑自造癡冥，猶如蜚蛾自投燈火，已溺三塗五趣周旋輪轉無際不能脫身，惟有諸佛眾大菩薩，乃能濟之；三曰、外眾蓋業符呪害人，菩薩愍之，如狂溺水然後乃悔當何所及；四曰、如射獵師彈射眾鳥，羅網捕魚積其罪蓋，無數億載墮三惡趣，捨身之安而往救之，為宣罪福生死之患，示無為業，或復顯之無上正真各使得安；是為四。

「菩薩復有四事，疾逮斯定。何謂為四？一曰、作佛形像坐蓮華上，若摸畫壁繒氎布上，使端政好，令眾歡喜由得道福；二曰、取是經卷書著竹帛若長妙素，令其文字上下齊正；三曰、諷誦是經晝夜精進，不捨經文使其通利，無一躓礙聽者得解；四曰、持是三昧諸佛本末一一分別為人暢義，善開菩薩無上正真，使一切眾咸共諮受，不生疑心各得開達；是為四。」

5、毘陀和等八大正士（一·一中）

※參見《賢劫經》卷1〈問三昧品1〉(CBETA, T14, no. 425, p. 1, b13-23)：

其名曰慈氏菩薩、溥首菩薩、光勢音菩薩、兩音菩薩、善德百千菩薩、華嚴菩薩、自大菩薩、明焰成菩薩、暢音菩薩、奉無數億劫行菩薩、覺意雷音王菩薩、見正邪菩薩、淨紫金菩薩、其心堅重菩薩、威光王菩薩、照四千里菩薩、越所見菩薩、辯積菩薩、慧王菩薩、不虛見菩薩、**毘陀和等八大正士**。又有眾香手菩薩、無量真寶菩薩、智積菩薩、大淨菩薩、師子吼菩薩、音王菩薩、淨珠嚴行菩薩、師子步暢音菩薩、無量辯無畏菩薩、如是等菩薩八十億俱。

6、修二乘法，不以不具諸佛至願而取滅度。（一·一下）

※參見《賢劫經》卷1〈問三昧品1〉(CBETA, T14, no. 425, p. 1, c2-21)：

喜王即問：「何謂菩薩常備道心斷除非法，奉行等業消除眾結？修三品：一經行、二住立、三坐定，化諸不調從是超越，令其精進而無瑕穢。何謂菩薩成就具足？曉知眾生

心性所行，言常至誠入諸佛業，不論諍訟，隨其眾生音聲言辭，入誠諦慧，今現在世覩見十方一切諸佛，而無罣礙。見真妙法乃致諸佛至聖誓願，愍念俗法，雖遊世俗永無所著，修行禪定一心三昧，不從此教而有所生，**從泥洹法不取滅度。不以不具諸佛至願，而中懈廢乃復現求緣覺之法，不以此乘而退轉墮落取滅度也。**意修無量不可限慧，心未曾亂，入於若干諸種境界，造無限業。若有所問，以辯才慧悉為宣暢，攝取無量清淨佛土，逮得無餘智慧聖達，開化眾生心無所著。不有人想頒宣經典，不住顛倒顯示滅度，不永寂滅修行得道，亦無所徇如有所好，慕於內行以棄有無。今天中天！惟見愍念，性雖不敏，不敢重啟垂哀宣布。」

7、念佛悔過，勸助施與，勸請轉法輪。(一·二中)

※參見《賢劫經》卷1〈問三昧品1〉(CBETA, T14, no. 425, p. 2, b10-26)：

不立想人，心無弊礙，不計所有拔諸根本，斷除家業志定無為，剖判諸想無所悋望，不捨正受常求智慧，離俗言談志惟逮住，講度世業無俗計念。意不忽忘消除蔭蔽，常思經法心不慌，入所應宜不失節，立所行法曉知世，無所犯負具諸業，以六度行棄無信，多懷誠信篤佛道，**常念佛法勤悔過，樂助功德施眾生，因勸諸佛轉法輪**，應嗟歎聖不諛諂。積功累德常精進，心不懈廢習勤修，遵行道業菩薩法，好布施眾念憐傷，常抱弘意求止業，不缺止度順如教。身口心淨無沾污。如是至誠，所依言教奉不違廢，不住欲界不徇色界，寂無色界，從其所行可怙果報而信樂之，堅住大乘而不退轉。入愚冥處，若在慳悋心不習此，等心供養，教化眾生令無諛諂，不欺諸佛，不抱害心向眾菩薩，不亂聖業虛妄之言。

8、所在遊居，恒行乞食，棄於眾會，不樂俗居。(一·二下)

※參見《賢劫經》卷1〈問三昧品1〉(CBETA, T14, no. 425, p. 2, c18-p. 3, a1)：

奉佛菩薩充滿順風，供事如來好樂嚴淨，不挾怯弱敬重三寶，**所在遊居**無所稽積，度衣限食不貪身命，性常清淨**恒行乞食**，不捨止足**棄於眾會**，不慕家業**不樂捨居**，不在校飾無有虛偽，言辭可愛聞莫不歡，勸助眾人使發道意，無惑所行行入順教，數數諮歎諸佛至真。

靜樹下，被三衣，常乞食。(一·四中)

※參見《賢劫經》卷1〈問三昧品1〉(CBETA, T14, no. 425, p. 4, b2- 27)：

佛爾時說是頌曰：

「行清淨，大聖道，心信樂，無惑業。

.....

道所照，遍三界，是法超，歎喻月。

三達療，令清淨，在閑居，**靜樹下**，

棄利養，乃諛諂，積行求，是三昧。

捐他非，不蔽善，不以利，歎身德，

被三衣，常乞食，親求是，行三昧。

純行禁，習賢聖，問明智，常獨歎，

以諮講，奉行要，疾逮是，三昧定。」

捨國王出家，修是定。(一·七中)

※參見《賢劫經》卷1〈法師品4〉(CBETA, T14, no. 425, p. 7, b24-c10)：

佛言：「時復有佛，號曰面悅離垢月首藏威如來、至真、等正覺，出現在世講是三昧。有長者子名曜淨廣心，聞說斯法，以家之信不貪居業出為沙門，捨七萬嫫女，寶多若斯有四寶藏及眾珍琦，若布積地，各遍三十萬有千八百遊觀之處，未曾舉足妄蹈于地，不用繫心**棄國捐王行作沙門**。已作沙門萬六千歲，一心經行常修精進未曾廢息，初不生心念為懈怠也。除其左右飯食澡手洗口，未嘗睡眠恒自覺悟，亦不極坐竟萬六千歲。即時悉受佛所說法，諷誦通利音響和雅逮得總持，名普入諸聲，皆令稽首為佛作禮。六十六姪諸天之眾，從其諮受為之給使，身心精進隨時之安，不失所養奉事如來。今現南方得成正覺，名一切德嚴，世界曰德淨，於彼土地成最正覺。」

讚閑居，舉須菩提為例。(一·九中)

※參見《賢劫經》卷1〈法師品4〉(CBETA, T14, no. 425, p. 9, a22- b23)：

佛爾時頌曰：

「菩薩行大慈，常自調其心，并化他眾生，所開度常安，
醫療風寒熱，菩薩消三毒，日出眾冥盡，導化消牽連。

……

若聞斯經典，乃為真供養，捐捨一切樂，常學是要行。

用為奉己身，能捨斯陰蓋，當恭敬於經，**猶如須菩提。**

棄忽貪愛命，常習在閑居，勤修是道經，壽在世且盡。

今告於喜王，聞斯所行業，自知伏其意，既信奉順行。」

學此三昧法不可居家。(八·六四上)

※參見《賢劫經》卷8〈歎古品23〉(CBETA, T14, no. 425, p. 63, c28-p. 64, a10)：

「時佛侍者名曰無損智，博聞最上不失佛意，隨時之宜不違繩墨。其佛應時告彼侍者：『佛曉了解是三昧定，如吾本**學此三昧法不可居家**，能分別暢斯義甚遠。』時轉輪王聞此至教，心自念言：『在國穢濁出乃清淨，寧可棄國除去鬚髮捨家捐業，服著袈裟行作沙門，釋濁就清乃應佛教。』輒如所計棄國捨城不貪四方，除去鬚髮被法袈裟行作沙門，及與千子八萬大臣八萬四千諸后嫫女，皆從出家悉作沙門，咸往詣佛稽首足下，長跪叉手，諮問世尊此三昧定。」

20、喜王菩薩為當機。禮佛偏袒右臂，是出家者。(一·九下)

※參見《賢劫經》卷1〈法師品4〉(CBETA, T14, no. 425, p. 9, c11-p. 10, a1)：

爾時，**喜王菩薩**三萬人俱，聞佛所說目為淚出，恭恪悚慄衣毛為豎，**偏出右臂**，從坐而起，叉手同音，白佛：「我等，世尊！將來末俗五濁惡世不輕法師。若有不敬欲壞普明一切智者，臨法欲盡少於學識明不能多，清白政法垂欲盡時，畏法無常，法欲亂時沒其身壽，護是如來一切智典，使永弘安獨處專學。一心如犀，當受將護如是像經。如來至道若干品藏，其有學智諸辯才印，曉了無量眾德之本，當勸化之法印印之。總

持種性降魔官屬，解一切智所行功勳，受持是典書著竹帛。若在地獄為一切眾，皆忍苦患不以為厭，用是三昧故，周旋三界五趣之難不以為倦。行四等心，慈悲喜護四恩惠施，仁愛利人，等利救濟十方愚冥之輩，皆發道意，地獄休息，餓鬼飽滿，畜生得脫生天人間。天人心開樂於道法，五趣心解信敬三寶不貪世榮，觀察三界猶如幻化影響野馬芭蕉見夢水泡沫，暢一切法悉知無真，皆發道意，欲度十方危厄之難。」

9、得是三昧，見十方現在諸佛，聞法不忘。(一·五上)

※參見《賢劫經》卷1〈行品2〉(CBETA, T14, no. 425, p. 5, a21-28)：

「遠離五陰而不自大，疾了言辭，用是之故便降伏魔棄諸外學。**見不可計十方國土現在諸佛，聞所說法受持不忘**，如其所願得是三昧而自娛樂。若有菩薩得是三昧，則當謂之逮一切智。所以者何？以致此定，發意之頃，一生補處成最正覺，從一本起二，二至三，三至四，從其發意輒得佛道。所以者何？又斯定者則一切智。」

受決，見一切佛聞法。(一·八下)

※參見《賢劫經》卷1〈法師品4〉(CBETA, T14, no. 425, p. 8, c5-21)：

「猶如長者生子眾多，各為興起十重高閣，使諸太子遊戲閣上作眾伎樂以娛上下諸遊觀者。世尊如是，以無蓋慈無極大哀，行權方便化導三界眾生之類，開示階路，十住本末從初發心，見者喜悅莫不發意，從一住起行菩薩道，布施救窮，三界之匱貧於道者，施以七財，以一切智正真之戒，堅住菩薩無極之慧。不中取證，學仁和意篤信三寶入無極慈，立無盡哀具四等心，四等已具成就五通，五通已成備悉六度，六度已達得柔順忍，已逮斯忍名曰第二。第三響忍，解一切響本悉空寂，三界之音皆虛無實無一真諦，以了是義，因斯漸入無所從生法忍，悉暢三界皆無根本五趣無元。了斯慧者，乃逮無所從生法忍，入諸所生心無所生，猶如虛空無憎無愛，因便受決，已得**受決致現在定見十方佛**。」

護末世法師。(一·九下)

※參見《賢劫經》卷1〈法師品4〉(CBETA, T14, no. 425, p. 9, c11-p. 10, a1)：

「爾時，喜王菩薩三萬人俱，聞佛所說目為淚出，恭恪悚慄衣毛為豎，偏出右臂，從坐而起，叉手同音，**白佛：「我等，世尊！將來末俗五濁惡世不輕法師**。若有不敬欲壞普明一切智者，臨法欲盡少於學識明不能多，清白政法垂欲盡時，畏法無常，法欲亂時沒其身壽，護是如來一切智典，使永弘安獨處專學。一心如犀，當受將護如是像經。如來至道若干品藏，其有學智諸辯才印，曉了無量眾德之本，當勸化之法印印之。總持種性降魔官屬，解一切智所行功勳，受持是典書著竹帛。若在地獄為一切眾，皆忍苦患不以為厭，用是三昧故，周旋三界五趣之難不以為倦。行四等心，慈悲喜護四恩惠施，仁愛利人，等利救濟十方愚冥之輩，皆發道意，地獄休息，餓鬼飽滿，畜生得脫生天人間。天人心開樂於道法，五趣心解信敬三寶不貪世榮，觀察三界猶如幻化影響野馬芭蕉見夢水泡沫，暢一切法悉知無真，皆發道意，欲度十方危厄之難。」

10、菩薩法師，勿可毀謗。(一·五下～六上)

※參見《賢劫經》卷1〈行品2〉(CBETA, T14, no. 425, p. 5, c25-p. 6, a13)：

「又是菩薩常自忍辱心懷仁和，若向瞋者不念其惡，若有逆人欲來危害，不與共諍惟避捨去不與相見，既路相見如不相覩。慈念十方皆降歸佛，**勿有惡心誹謗法師**，念法無惡，惟愍其人用懷毒心，墮于惡趣三塗之難。傷之愚惑橫生毒害還自危身，猶如樹木風起相揩，忽然火生還自燒形，毒蛇含毒日日增多還自害身，鐵生眾垢自葬其形。愚闇閉塞心不開解，不念菩薩法師之恩，反生害心逆其師父，欲危滅之貪妬懷嫉，一時自可放心自大，不顧大難甚憐傷。諸天鬼神、虛空天神、阿須倫、迦留羅、真陀羅、摩休勒，悉往作禮稽首歸命，欲見無厭數數奉迎，聽受經典問義受解，思惟奉行曾無懈倦，諸神愛敬奉事供養。尊重道德如孝子與父母別，積年彌久飢虛無已，諸天神明人與非人，愛重至德無窮竟已，皆是菩薩精進至心學是三昧慈愍所致，故有是德。」

行如犀（一·六上）

※參見《賢劫經》卷1〈行品2〉(CBETA, T14, no. 425, p. 6, a14-b1)：

佛告喜王菩薩：「若有菩薩積功累德，開化無數百千眾生，歡悅踊躍，這等無異，不以戲笑，因斯逮得殊特功勳，名德遠著十方咨嗟！行如須彌安然不動，明如日月普曜天下，德重如地主生萬物，道尊位高生諸道品，六度無極菩薩法藏。心如虛空而無所著，獨步三界無所罣礙。猶如飛鳥飛行虛空無有足跡，猶如蓮華不著塵水。十方諸佛悉令菩薩行斯定意。今佛故宣，汝等精進勿得疑惑，若有比丘、比丘尼、優婆塞、優婆夷，及諸凡庶九十六術六十二見，蜎蚺蠕動歧行喘息，人與非人，學是三昧若聞歡喜各得如願，然後會當逮是三昧。」於是頌曰：

「常光顯，佛正法，信根樂，第一慧。

行如犀，無吾我，持是寂，妙三昧。

得自在，覺忍辱，覆三世，猶如蓋。」

法師……除眾僧擯。(一·七中)

※參見《賢劫經》卷1〈法師品4〉(CBETA, T14, no. 425, p. 7, b16-23)：

「淨福報眾音王太子者，則今現在西方阿彌陀佛是也。其法師教化度脫眾生者，則大月如來是也。**其王太子，供養自歸無量，德辯幢英變音法師，乃能終竟至七萬劫消眾罪蓋，用聞說是三昧定故，為其太子除眾僧擯**，雪諸罣礙敷演道品，在在所生逮無量門總持之行，發意一時彈指之頃不離佛法。」

法師為眾所擯，獨居山林，服食果實，時國王護衛說法。(一·一〇中)

※參見《賢劫經》卷1〈法供養品5〉(CBETA, T14, no. 425, p. 10, b9-c3)：

爾時，佛告喜王菩薩：「勿以衣食之施奉事如來用為第一也。欲供養佛，當以法供養而奉事之。所以者何？乃往過去無央數劫不可稱載，有佛號金龍決光，其壽不可限量，國名無量淨，眾會不可稱計。有法師名無限量寶音，行在末世最後窮俗學是三昧，其餘一切諸比丘眾皆共擯之。時彼法師不懷怯弱不貪身命，故復勤精講斯三昧，**入於山中服眾果實**。時四天王天上諸天人，上至二十四阿迦尼吒天人，皆來聽經。時無數眾咸共念之，心悉戀恨愁思欲見之，欲服聲名聞其法音。

「時世有王名使眾無憂悅音，為轉輪聖王，往詣其所聽是三昧，已得聞之，歡悅法

師。王白比丘：『恣意宣傳勿懷恐懼，吾自遣人**共相宿衛**，遣三萬人在於左右，今與仁此勿以畏難，吾當護衛，是佛所說甚難得聞。』時轉輪王遣其千子，勇猛傑異一人當千而衛護之，三萬眾人皆以甘饌而供養之，一切施安從其所便，常以和心無傷害意，而授所當一切所足。其彼法師建立威神已之力勢，於半劫中演是三昧，以是德本則悉和同。王諸太子及眾眷屬，更八十劫，見六十億三那術姦諸佛世尊，皆從諸佛逮是三昧，如心所願受取佛國。」

諸天護法師。(八·六五上)

※參見《賢劫經》卷 8〈歎古品 23〉(CBETA, T14, no. 425, p. 65, a8-13)：

爾時，**四天王前白佛言：「我等，世尊！放捨天上自然之樂，往詣法師而擁護之，百由旬外令無伺求得其便者，使護法師廣布道化，古大聖教永得久存，令賢劫中千佛本末周流十方。**諸當來學聞之慕及從是得成，使此三昧而不斷絕，興隆三寶一切蒙濟。」

11、作佛形像坐蓮華上，畫，書寫經卷，誦經。(一·六下～七上)

※參見《賢劫經》卷 1〈四事品 3〉(CBETA, T14, no. 425, p. 6, c27-p. 7, a8)：

「菩薩復有四事，疾速斯定。何謂為四？一曰、**作佛形像坐蓮華上**，若摸**畫**壁繒氎布上，使端政好，令眾歡喜由得道福；二曰、取是**經卷書著竹帛若長妙素**，令其文字上下齊正；三曰、**諷誦是經晝夜精進**，不捨經文使其通利，無一躓礙聽者得解；四曰、持是三昧諸佛本末一一分別為人暢義，善開菩薩無上正真，使一切眾咸共諮受，不生疑心各得開達；是為四。」

12、偈中，應有脫文。(一·七上) 此是下法師品偈

※參見《賢劫經》卷 1〈四事品 3〉(CBETA, T14, no. 425, p. 7, a8-b3)：

佛於是頌曰：

「聞是經，樂至德，若有人，求此道，
善哉學，斯四句，故獲致，十力種。
八十億，人中王，諸六十，姦安住，
常咸護，斯學人，能諷誦，是三昧。
若聞是，獲善利，已得聽，能信樂，
是等成，不疑道，等皆見，生死無。
行佛道，得聞是，樂功勳，不懈怠。
一切智，如觀掌，書寫持，是經典，
識念住，百千劫，辯才英，得至佛。
彼說斯，最定意，王子月，詳得聞，
棄國土，作沙門，晝夜勤，聽受法。
最後世，命向終，便往生，他佛國。
若江沙，復過是，諸天咸，供養佛。
從其所，聞三昧，三劫中，成佛道。
有佛名，無厭寶，定光佛，所開化，

彼聞是，得德果，是故聞，勿懈怠。
為十方，常所救，今我屬，慇懃累。
仁賢者，言柔和，是增法，道珍藏。」

13、大目如來→阿彌陀佛（一·七中）

※參見《賢劫經》卷1〈法師品 4〉(CBETA, T14, no. 425, p. 7, b5-18)：

佛語喜王菩薩：「乃往過去無央數劫不可稱計。爾時，有佛號辯嚴淨雷音吼如來、至真、等正覺。彼佛世時有一法師，名無量德辯幢英變音，曾聞如來說是三昧定，學是三昧而分別說用化眾生，齊無數億百千諸天人民，以度一切。

「有王太子名淨福報眾音，聞是三昧心中欣然，則百千賈妙好衣以覆法師，口發是言：『普使三界厄一切眾生，皆悉興立得是三昧。』以是德本，見八十億江沙諸佛，造立眾行奉平等法，在諸佛所聞是三昧。皆以頌宣，悉能堪任奉是定意，所生之處常識宿命，在於無量德淨佛刹，成最正覺。

「淨福報眾音王太子者，則今現在西方阿彌陀佛是也。」

得見阿彌陀（一·八上）

※參見《賢劫經》卷1〈法師品 4〉(CBETA, T14, no. 425, p. 7, c10-p. 8, a27)：

爾時，世尊說此頌曰：

「我憶宿命時，無數江沙劫，佛號辯嚴淨，雷音吼如來。

.....

得逮見成光，供養大聖主，行步自驚喜，謂已得佛道。
其有諛諂者，離道甚玄遠，數數懷愁憂，因輕他人故。
若有聞此經，則知得佛道，不久成正覺，得見阿彌陀。
依猗顛倒者，亦去道遑遠，若有不順本，佛不授彼決。
觀斯長者子，施與財寶藏，然後行出家，家家而行乞，
從定光如來，曾聞如斯義，如是像三昧，精勤敬奉行。」

「值光明無量，復見無怒覺。」（一·九下）

※參見《賢劫經》卷1〈法師品 4〉(CBETA, T14, no. 425, p. 9, a22-c6)：

佛爾時頌曰：

「菩薩行大慈，常自調其心，并化他眾生，所開度常安，
醫療風寒熱，菩薩消三毒，日出眾冥盡，導化消牽連。

.....

值光明無量，復見無怒覺，六十二億佛，眾會咸共見。」

阿彌陀佛→阿閼佛（一·一〇下）

※參見《賢劫經》卷1〈法供養品 5〉(CBETA, T14, no. 425, p. 10, c3-6)：

「喜王！欲知彼時法師豈異人乎？莫造斯觀，則今現在阿彌陀佛是也；其時國王名無

憂悅音者，**阿閼佛**是也；其王千子，**毘陀劫中千佛**興者是也。」

無量光→賢劫千佛（八·六三下）

※參見《賢劫經》卷 8〈歎古品 23〉(CBETA, T14, no. 425, p. 63, c15-19)：

「於喜王意所趣云何？爾時，德華王豈異人乎？莫造斯觀。所以者何？見今現在**無量光如來**是也；其王千子，今**賢劫中千佛**興者是也；勸助斯定神足威德巍巍如是，何況諷誦奉行習持如上法教？」

大目、彌陀、阿閼（八·六四）

1. 「斯經至要，去來今佛之所由生，大目、阿彌陀、阿閼如來，賢劫千佛三世無限，皆由是定自致成佛。」（八·六四下）

※參見《賢劫經》卷 8〈歎古品 23〉(CBETA, T14, no. 425, p. 64, c1-9)：

佛復告喜王：「若有菩薩，千劫之中奉六度無極捨權方便，不如一時聞是三昧正定以用勸助。昔古已來所立福慶，比斯經典所建功祚，百倍千倍萬倍巨億萬倍無以為喻。所以者何？**斯經至要，去來今佛之所由生，大目、阿彌陀、阿閼如來，賢劫千佛三世無限，皆由是定自致成佛。**猶如虛空含受一切萬種所有十方三界有無諸形，斯定如是，無上正真含苞大道，開化黎庶皆入法身。」